

cre condition aufquels feuls on faiçt obferuer la loy.

L'Isle d'Anticosly, où l'on tient qu'il y a des ours blancs monſtrueuſement grands & qui deuorent les hommes comme en Noruegue, eſt longued'enuiron 35. ou 40. lieuës, ſous la hauteur de 50. degrez. Nous l'auions à main droicte, qui eſt au Nordeſt de Gaſpey, & en || ſuitte des terres plates couuertes de ſapinieres & autres petits bois, iuſques à la rade de Tadouſſac. 149

Cette Isle avec le Cap Gaſpey oppoſite, font l'embouchure de cet admirable fleuue, que nous appelons de ſainçt Laurens, admirable en ce qu'il eſt l'un des plus beaux fleuues du monde, ancien & non pas du nouueau où il y en a encores de plus grande eſtenduë ſelon que nous en apprend l'hiſtoire & les perſonnes qui ont grandement voyagé en ce païs, qui nous ont eſté de long-temps incognus. J'ay veu & parlé à des ieunes hommes dans les contrées Canadiennes, qui m'ont aſſeuré auoir voyagé aux Moluques & vers les Antipodes, & n'y auoir veu aucune Riuiere comparable à celle du Canada, donc celles du nouueau monde ſont les plus grandes du monde, & celle de ſainçt Laurens la plus grande du Canada.

Il a à ſon entrée à ce qu'on peut iuger, près de 25. à 30. lieuës de largeur, plus de deux cens braſſées de profondeur, & plus de 800. lieuës de cognoiſſance, & au bout de 400. lieuës, elle eſt encore auſſi large que les plus grands fleuues que nous ayons dans l'Europe, remplie (par endroits) d'Isles & de Rochers innombrables, & pour moy ie peux aſſeurer que l'endroit le plus eſtroicte que j'ay veu paſſe la largeur de 3 ou 4 fois la riuiere de Seine, & ne penſe point me tromper: